

南日島誌

薩福榛撰

南日島志 目錄

沿革

形勢

屬島

勝跡

交通

氣候

物產

戶口

民族

民俗(上)

民俗(下)

宗教

自序

我國沿海島嶼棋布星羅關係國防最為重要第因應朝王
改畫策不同棄守無定遂使有用之地幾淪於荒域等降王近代
雖漸感亟宜開發然尚乏填密之調查者比之猶多於吾廣南日
島即其一也南日島旧称南匿山清一統志云南匿山在莆田縣
東九十里大海中共琉球相望一名南日明初設寨於此後徙入
內地是我國經營其地遠在宋元徐興公藏書印有安國賢南日
寨小紀十卷可知前人已詳細記載旧寨既廢書亦不傳考獻
無徵識者惜焉福榛自北京大學畢業後服務桑梓垂十餘年今
歲奉陳雄夫專員命來是島指揮黨務首即視察地方情形山川
風土人情逐日講求或公餘踏賊筆之於篇或南日島志一書以
為建設是島借鏡惟時向甚整肅見未周其中簡陋罣誤之處自

所難免深望海內賢碩詳加指正欣幸之忱豈福榛一人已耶

民國二十六年十月廿日薩福榛誌於南日島

南日島志

沿革

興化洋外群島星羅其最大者有四曰平潭曰江陰曰南日曰湄州南日土質磽薄耕田稀少全區丁糧共祇一百零兩人民貧困多海盜任何商船經南日島必惴惴危惧不敢久泊然南日雖盡盜不過盛衰乘除亦視政治之良否為轉移也

南日島發現於明代諸乘無考民族之遷來更不能起枯骨而質言之據興化府志海上島嶼宋元以來居民甚多洪武初以勾引番寇遺禍地方奏遷內地島嶼遂虛故今日居留之民族實自明代以降始遷入島漢島民宗祠之圖像及古墓之碑石可得十之八九之考證焉南日各村之有族譜宗祠者殊鮮惟石塘盤鄉陳姓有宗祠及族譜其中神主與圖像皆始於明初迄今而繁殖慈

自明初以後海禁漸弛居民復漸來聚或謂由於明代禦倭寇之戍民志未敢斷言也其次古墓碑石及神庙之紀年多為清代康熙時碑絕無綜以上之迹象觀之現在該島之民族來自明代或於清初可無疑矣至於建置沿革明初曾設寨於此內過南安湖井之衝南阻湄州岱嶼之扼崇泰以後移於內地旧寨遂廢前清咸同之際設縣丞統治民初設縣佐繼設島務局歸省府直轄二十二年秋民政部明令取消南日島務局尚未另有改設而本省政變已起該島遂陷於無政府狀態者約半年至二十三年五月該島公民林慎修呈請設區管理經省府核准改為福清縣第九區並委林慎修為該區之長孤島懸絕巡控不易有賴長莫及之歎二十四年改南日島特種區署委李明堂為區長同年九月省令撤特種區署為福清縣第四區仍歸福清管轄至二十五年

十二月又改為特種區署再歸省政府直轄受第一區行政委員
監督指揮至二十六年福建省黨務特派委員陳公雄夫以南日
島地位重要有與國防於度間呈請中央設立黨部任薩福榛為
黨務指導員來島開辦其初係秘密組織至八月始公開活動以
三民主義薰陶人心使南日島民眾於度益之下得獲仰視天日

形勢

南日島位於本省之東南東經二二二度北緯一一九七度西界莆田西北界福清北界平潭東鄰台灣海峽為多芒角形之長島橫卧海中東西廣濶有山相距約二十華里南北狹小多砂灘中央平坦四週圍小島嵴環繞如眾星之拱衛全島面積三百方里海岸線蜿蜒便於停泊在國防上位置甚為重要港之大者有西寨石塘盤雲利岩下牛肚港浮牛后葉及官澳等處中以西寨港最為深廣可泊巨舟南北有山東岸砂灘時深時淺去涵江七十五華里曾經省政府建設所及閩海關派員勘測擬闢為海航避風港其東面草湖港面積約三千餘畝潮汐時深八九尺至一丈餘潮汐退泥沙畢露此港可稱為一良好漁港惜無人建築任其潮生潮退送朝暉而照夕陽也官澳港東南有山為屏西北

為岬隈掩任何風浪皆可引避惟吃水不深輪船不敢駛泊者盡
帆船島之東西山以尖頂山及九龍山為骨幹山岩受風雨之侵
襲化為壤土居民闢為田園土壤磽薄

屬島

南日島所轄之小島多在東北一小南日二東西鰲山三大
敏四羅盤嶼五赤山等小島小南日因形似本島故名之距官澳
僅七八里東西長而南北狹小本島十分之一施姓佔十分之七
強餘為陳莊王余等姓生活完全恃諸漁業東西鰲山在小南日
之東西鰲俗稱為小鰲山東鰲俗稱為大鰲山在潮落後兩山可
以通行羅盤嶼在本島之極東北前為海盜巢穴居民甚少赤山
在羅盤之東前亦為海匪逋逃藪大敏居民甚少石室若窖人之
衣食浮嶼鼓山頂卒仔兜面積均小無居民

勝跡

南日島孤懸海面文化落後雖有山水名勝古蹟終鮮文人
學士題詠記載多湮沒無聞無從查攷茲將最近調查所得分
述如左

一浮斗現日

浮斗面臨東海太陽東升如巨輪突湧海際而上

紅芒映射海天一碧數百漁舟爭出掬魚其樂融融

二尖山遠眺

尖山以頭尖因得名尖頭山山之巔有玉皇宮瑤

帝廟既存岩凹微露半面山尖有石平滑如台攀沿而登可俯瞰

全島島民於東海捕魚均以是山為南針

三九龍險峻

九龍山險峻為環島冠若干年前為海盜雄距山

勢迴環堡壘屏峙至今遺跡尚存足供後人憑吊

四海會古墓

該墓係何物不可攷也傳為宋代名宦海行遇

險全家溺海島民收其遺體葬於古萬崑群山翠繞烟波萬頃頗
饒風景島民甚信向災祈福必決於是年節祀祭膜拜尤虔
五西寨晚照西寨港當夕陽銜山彩霞萬犬絢爛無正航舟三
數款乃其間紅男綠女紅褲跣足微逌其間爭拾魚蝦幾疑人間
仙境

六龍頭山烈女祠烈女姓林名俊妹生於西戶鄉初字白沙洋

鄉楊姓楊子業漁一日女方勤織倦極憑檣而睡夢其夫溺海妹

奮身赴援以口銜夫衣襟將及岸母至見其酣睡喊醒不旋踵盡

耗倘來楊子溺斃女哀毀之餘誓守其志其翁姑以家貧勿許然

女志堅決而兩家父母遂不敢反其意女入楊門以鹽盲目以示

決心某年頗旱島民望雨禱於神籤示求女女出讓於烈日之下

不雨女憤不能感天地閉門自經是夜大雨鄉人德之於龍頭山

建祠祀之至今廟宇巍然香火不斷為萬人瞻拜

交通

南日島孤懸海面交通不便利多用帆船地當福清莆田惠安平潭諸縣水道往來要衝每值狂風則海面斷航交通勢絕由西寨港至涵江七十華里至平潭縣約四十餘里石頭盤至莆田所屬炮台山二十餘里由砲台山至涵江陸路九十里若南日至福清高山之牛頭門約三十餘里須經過十八群島非有領港者不敢開航

氣候

南日島冬無祁寒夏無酷暑冷者不通池有薄冰最熱者不
過華氏表八十五下度故氣候極溫和惟風季極多當夏曆七八
九月颶風一至屋宇震撼海濱細砂隨風捲起撲面傷膚目為之
閉首為之低十十一月風亦強烈正二三月漸之和平緩四五
六月始有天朗氣清之日每值狂風海中斷航交通亦為之斷絕
日用必須品如柴米油醬醋茶等均受缺乏島上氣候時之不一
夏季炎日方張忽然雲生大雨涼風習之則儼如秋令故居是島
者須時之留意焉

物產

南日島出產以花生地瓜紫菜及魚類為大宗其他豬羊雞
及蛋等亦有輸出浮斗鰲山大鰲及小南日島之魚春冬兩季以
多夏以鰻魷多每年產值數十萬元東萊尾浮斗等處海濱岩
壁於春冬之際叢生海藻稱為紫菜島民攀巖削壁撿菜咸
形質嫩味美駕於平潭縣所出是為南日島特產年值十餘萬元